



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Saxonia Catholica, Hoc Est Christianae Fidei, Qvam Ad
Salvtem Animarvm Aviti Avgvstae Domvs Saxonicae
Principes, Reges, & Imperatores coluerunt, Gloriosa
Confessio**

Cutsemius, Petrus

Coloniae Agrippinae, 1621

Fridericus II.

urn:nbn:de:hbz:466:1-11884

Hic Otto an. Dom. 1209. inquit Author Fragmenti hist. rex pro imperiali benedictione tempore messium Romam proficiscitur, qui etiam ab Innocentio Papa in Imperatorem consecratur, iuramento prius prestito, quod terram, & bona S. Petri, quae sui antecessores usq; ad id temporis contra iustitiam tenuisse videbatur, R. E. libera dimitteret. An. Dom. 1210. Imperator non sano usus consilio rupit foedus iuramenti, quod fecerat cum Papa & Romanis, occupando & vendicando sibi bona S. Petri contra pactum. Vnde à Papa saepius admonitus, & correptus, desistere contempsit, & ob hoc meritam excommunicationis sententiã incurrit. Et infra: Videns igitur Papa pertinaciam Ottonis, quẽ prius in omnibus fouerat & in altum sublimauerat, cum neq; pro absolute, nec pro compositione aliqua laboraret, misit in Siciliam, & eduxit inde Fridericum, Henrici quondam Imperatoris filium, & literas suas direxit vniuersis terra Principibus, quibus dedit in mandatis, vt eundem Fridericum loco Regis susciperent, & manutenerent, & in omnibus ei astarent, sibiq; transeunti per terras quisque suo loco conductum honorificè praberent, quod & factũ est. Eadem referunt & alij scriptores coetanei, Conradus Abbas Ursperg. Albertus Stadenfis, quiq; eos sequuntur Ioh. Trithemius in Chron. Hirsaug. & alij.

FRIDERICVS II.

PORRO vt aliquid amplius cognoscatur de electione, vel susceptione Friderici,
dicis

dicit Author Fragmenti, Anno Domini 1213. Fridericus curiam Aquisgrani in festo B. Iacobi habuit ubi de consensu Principum locatus est in sedem Regni. Paduanus Monachus etiam synchronus breuiter electionem eius sic indigitat. Anno Domini, inquit, 1211. istis temporibus Fridericus adolescens Rex Siciliae, filius Henrici Imp. & Reginae Constantiae, quae fuit filia Rogerij Regis Siciliae de mandato magnifici Papae Innocentij per Lombardiam cum auxilio Marchionis Estensis ascendit in Alemanniam confidenter. Quem ita gratissimè Praelati, & Principes Alemanniae susceperunt, quod pauci remanserunt de Principibus cum Ottone. Tandem ipsum in Regem Alemanniae, & in futurum Imperatorem concorditer elegerunt. Quinam verò & quando, indicat Conradus Ursperg. ad an. Domini 1210. Tunc, inquit, Principes Alemanniae, Rex videlicet Bohemia, Dux Austriae, Dux Bauariae, & Landgrauus Thuringiae, & alij quam plures conuenientes Fridericum Regem Siciliae elegerunt in Imperatorem coronandum. Anno verò Domini 1220. inquit idem: Fridericus Romae coronatur in Imperatorem in Basilica S. Petri, de mandato Honorij Papae, per ministerium Domini Hugelini, tunc Hostiensis Episcopi, postmodum Apostolici. Conradus Episcopus qui tunc vixit, & titulum Ecclesiae suae dissimulauit, humiliter se vocans presbyterum, Episcopali Sede indignum, in Chronico suo quod terminatur ad ann. 1251.

non

non procul à fine , omnia hæc breuiffimè
 complectitur: Anno Domini , inquit , millesimo
 ducentesimo octauo Principes post mortem Philippi
 Regis in Ottonem conueniunt, qui fuerat aduersa-
 rius Philippi, cuius parti etiam Papa fauebat. Iste
 Otto maturauit ad Papam venire pro imperiali
 consecratione, sollemniter proficiscitur, consecratur,
 post annum excommunicatur: Eique filius Henrici
 Imperatoris Rex Siciliae Fridericus suscitatur à
 Papa. &c. Fridericus venit de Apulia contra Otto-
 nem, post annos aliquot Otto moritur, Fridericus
 dispositis, prout melius potuit, rebus, Romam profi-
 ciscitur, in Imperatorem consecratur An. Do. 1220.

Ab hoc Friderico, qui tandem à virtute
 summi Principis totus degener, totus vi-
 tiosus, nec resipiscens, in Oecumenico Con-
 cilio Lugdunenfi I. à Papa Innocentio IV. ex-
 communicatus, & Imperio priuatus fuit d. 21.
 Iunii, An. 1245. numerant pleriq; Chronolo-
 gi, & Historici viginti, & octo annorum in-
 terregnum, vsq; ad Imperium Rodulphi I.
 Habsburgensis, qui an. 1273. electus est, vt sta-
 tim intelligemus.

H E N R I C V S,

Thuringiæ Landgrauius.

LE G I M V S tamen in Chronicis Alberti
 Abbatis Stadenfis qui illo tēpore scripsit,
 Friderico deposito, instinctu, hortatuq; sum-
 mi Pontificis, à nonnullis Principibus surro-

H

gatum